

UGOVOR O IZVOĐENJU RADOVA

Ovaj Ugovor je sklopljen 21.11.2016. godine između:

Agencije „Stari Grad“, M.Tita 170, 88 000 Mostar (u daljnjem tekstu “Naručitelj”) koju zastupa direktor Miralem Fajić, na jednoj strani

i

„AMITEA“ d.o.o. Mostar, Bišće polje bb, 88000 Mostar, ID broj: 4227141980008 (u daljnjem tekstu “Izvođač”) koju zastupa direktor Anel Husnić, na drugoj strani.

Budući da je Naručitelj uputio izvođaču poziv za dostavljanje ponuda za izvođenje radova (brojčana oznaka **JRJN:45316100-6**), **Iluminacija starog grada Blagaj (utvrde herceg Stjepan grada) u Blagaju kod Mostara**, te nakon sprovedenog postupka u skladu sa Zakonom o javnim nabavkama prihvatio Izvođačevu ponudu za izvođenje i završetak ugovornih radova po cijeni od **33.797,79 KM** (tridesettrihljadesedamstodevedesetsedam KM i 79/100 KM) (u daljnjem tekstu “ugovorna cijena”), strane su se dogovorile kako slijedi:

Član 1.

UGOVORNI DOKUMENTI

1.1 Sljedeći dokumenti smatrat će se sastavnim dijelovima ugovora:

- (1) Ponuda odnosno specifikacija cijena(predračun radova) koje je podnio ponuđač
- (2) Odobrenje za građenje Federalnog ministarstva prostornog uređenja broj: UPI /03-23-2-344/14 od 23.12.2014.godine.

Član 2.

PREDMET UGOVORA

Iluminacija starog grada Blagaj (utvrde herceg Stjepan grada) u Blagaju kod Mostara.

Izvođač je dužan:

- a.) izvesti sve radove u skladu s ugovornim dokumentima, parafiranim od obje strane; te ispuniti sve obaveze, koje su navedene u odredbama ovog ugovora,
- b.) izvesti sve nepredviđene radove koji su neophodni za ispunjenje ugovora isključivo po zahtjevu Naručitelja, a u skladu sa postupkom predviđenim Zakonom o javnim nabavkama („Službeni glasnik BiH“ broj: 39/14) i nakon što ih je Naručitelj pismeno potvrdio i potpisao,
- c.) prihvatiti odgovornost za eventualnu nastalu štetu trećim licima, kao posljedicu implementacije ovog ugovora,
- d.) ne zapošljavati, u svrhu izvršenja ovog ugovora, fizičke ili pravne osobe koje su sudjelovale u pripremi tenderske dokumentacije ili su bile svojstvu člana ili stručne osobe koje je angažiralo povjerenstvo za nabave, nadležno za dodjelu ugovora o javnoj nabavci.
- e.) za potrebe uređenja gradilišta izvođač radova je obavezan izraditi Plan uređenja gradilišta u skladu sa članom 6.Uredbe Vlade Federacije BiH o uređenju gradilišta,

obaveznoj dokumentaciji na gradilištu i sudionicima u građenju („Službene novine Federacije BiH“ broj: 48/09).

Član 3.

UGOVORNA CIJENA

3.1 Ugovorna cijena za izvođenje ugovornih radova prema članu 2. ovog ugovora iznosi:

neto vrijednost radova: 28.887,00 KM

slovima: (dvadesetosamhiljadaosamstoosamdesetsedamKM)

porez na dod. vrijed. – PDV: 4.910,79 KM

slovima: (četirihiljadedevetstodesetKM i 79/100)

što ukupno iznosi : 33.797,79 KM

slovima: (tridesettrihiljadesedamstodevedesetsedamKM i 79/100)

3.2 Cijena za izvođenje radova određena je po jedinici mjere tj. po jediničnim cijenama. Jedinične cijene radova iz stavki troškovnika su fiksne i neće se mijenjati.

Član 4.

NAČIN PLAĆANJA

4.1 Plaćanja Izvođaču u okviru ovog ugovora vršit će se na sljedeći način:

Avansno plaćanje je 20% od vrijednosti ugovora, najkasnije 15 dana nakon potpisa ugovora i nakon što izvođač dostavi bankarsku garanciju za povrat predujma, a ostalo prema privremenim obračunskim situacijama.

4.2 Naručitelj će platiti ugovornu cijenu ili druge iznose, koji dospijevaju za plaćanje na temelju odredbi ugovora u vrijeme i na način propisan ugovorom, na račun Izvođača: **3381002250536113 kod Unicredit banke.**

Član 5.

ROKOVI

5.1 Rok završetka radova

Izvođač se obavezuje da će ugovorne radove izvršiti u roku od 35 radnih dana računato od početnog datuma. Početni datum je najkasnije 3 dana od dana obavijesti Naručitelja o početku radova.

5.2 Rok uspostavljanja gradilišta na raspolaganje Izvođaču.

Naručitelj će staviti izvođaču gradilište na raspolaganje do početnog datuma.

Član 6.

UGOVORNA KAZNA

- 6.1 Ugovorna kazna za prekoračenje ugovornog roka završetka radova iznosi 0,005% od ugovorne cijene po danu zakašnjenja.
- 6.2 Maksimalni iznos ugovorne kazne za prekoračenje ugovornog roka, prema 6.1 gore, je 3% od ugovorne cijene.

Član 7.

UGOVORNO PRAVO

- 7.1 Mjerodavno pravo ugovora je pravo Bosne i Hercegovine i Federacije Bosne i Hercegovine.

Član 8.

JEZIK UGOVORA

- 8.1 Mjerodavni jezik ugovora je jedan od službenih BiH jezika.

Član 9.

JAMSTVO ZA DOBRO IZVRŠENJE UGOVORA

- 9.1 Bezuslovna bankarska garancija na 10% ugovorene vrijednosti.

Član 10.

JAMSTVENO RAZDOBLJE

- 10.1 Jamstveno razdoblje iznosi: 2 godine - za opremu i građevine.

Član 11.

ARBITRAŽA

- 11.1 Postupak arbitraže: U skladu s Pravilnikom o rješavanju sporova Stalnog izabranog sudišta pri Privrednoj komori u Mostaru.
- 11.2 Mjesto arbitraže: Mostar

Član 12.

GRADILIŠNA DOKUMENTACIJA

- 12.1 Izvođač je obavezan uredno voditi gradilišnu dokumentaciju sukladno Uredbi Vlade Federacije BiH o uređenju gradilišta, obaveznoj dokumentaciji na gradilištu i sudionicima u građenju („Službene novine FBiH“ br. 48/09) i ostalim važećim propisima, iz koje će se vidjeti tok, način i obim izvršenih radova.

Član 13.

PREDSTAVNIK NARUČITELJA

13.1 Naručilatelj imenuje gosp. **Šain Anto**, dipl.ing.građ. kao Voditelja projekta, koji će djelovati u njegovo ime u svrhe ovog ugovora, obavljati kontrolu nad izvođenjem radova i ostale poslove u okviru ugovora.

Član 14.

PREDSTAVNIK IZVOĐAČA

14.1 Izvršitelj imenuje gosp. **Anel Husnić**, kao svog ovlaštenog predstavnika, koji će djelovati u njegovo ime u svrhe ovog ugovora.

Član 15.

OBAVIJESTI

15.1 Službene obavijesti će se upućivati na adresu navedenu u zaglavlju ugovora.

Član 16.

STUPANJE UGOVORA NA SNAGU

16.1 Ugovor stupa na snagu po ispunjenju svih niže navedenih uslova:

- ugovor su potpisale obje strane;
- Izvođač je dostavio garanciju za dobro izvršenje ugovora;

Član 17.

17.1 Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor u skladu sa važećem zakonom sklopljen u Mostaru dana i godine naznačenih na početku ugovora.

U ime NARUČITELJA:
Agencija „Stari grad“

Direktor:

Miralem Fajić dipl. pravnik

.....
Protokol: I-25-965-13/16



U ime IZVOĐAČA:
„AMITEA“ d.o.o. Mostar

Direktor:

Anel Husnić

.....
BROJ: 623/16

